



Broj: SuPK-00-1145/23-I
Brčko, 24.07.2023. godine

Z A P I S N I K
sa 249. sjednice Pravosudne komisije Brčko distrikta BiH
održane 24.07.2023. godine, u 08,30 sati sa slijedećim

Dnevni redom

1. Usvajanje zapisnika sa 248. redovne sjednice Pravosudne komisije Brčko distrikta BiH
2. Davanje mišljenja na inicijativu za izmjene i dopune Krivičnog zakona Brčko distrikta BiH;
(izvjestilac: Dejan Đurović)
3. Informacija u vezi Instrukcije VSTV BiH o primjeni člana 17. tačka 28. Zakona o VSTV BiH;
(izvjestilac: Dejan Đurović)
4. Donošenje Odluke o izradi prijedloga Plana integriteta Pravosudne komisije BD BiH;
(izvjestilac: Dejan Đurović)
5. Nominacija člana i zamjenskog člana u Radnu grupu koja će raditi na preventivnom suzbijanju društveno neprihvatljivih postupaka definisanim Zaključkom Vlade BD BiH, broj akta: 01.11-0323ST-003/23 od 08.05.2023. godine
(izvjestilac: Dejan Đurović)
6. Davanje mišljenja na nacrt Sporazuma o sudjelovanju BiH u Programu EU za razdoblje 2021. - 2027. godina;
(izvjestilac: Dejan Đurović)
7. Usvajanje izvještaja o realizovanoj edukaciji na temu „Odgovornost prema poslu upravljanje vremenom i obavljanje radnih zadataka“ i donošenje odluke o isplati naknade za održanu edukaciju edukatoru
(izvjestilac: Dejan Đurović)
8. Donošenje rješenja o prestanku radnog odnosa Mirzi Bašiću, stručnom saradniku u Apelacionom sudu Brčko distrikta BiH;
(izvjestilac: Dejan Đurović)
9. Zaključivanje ugovora o obavljanju pripravničkog staža sa Jelenom Lukić, pripravnikom u Osnovnom sudu Brčko distriktu BiH;
(izvjestilac: Dejan Đurović)
10. Donošenje rješenja o raskidu ugovora o volonterskom radu Jelenom Lukić volonterom u Osnovnom sudu Brčko distrikta BiH;
(izvjestilac: Dejan Đurović)
11. Donošenje rješenja o prestanku ugovora o volonterskom radu sa Amirom Beganović volonterom u Pravobranilaštvu Brčko distrikta BiH;
(izvjestilac: Dejan Đurović)

12. Verifikacija rješenja o prestanku ugovora o volonterskom radu sa Jelenom Peranović volonterom u Osnovnom sudu Brčko distrikta BiH;
(izvjestilac: Dejan Đurović)
13. Verifikacija rješenja o prestanku ugovora o obavljanju pripravničkog staža sa Milenom Ristanić, pripravnikom u Kancelariji za pravnu pomoć Brčko distrikta BiH;
(izvjestilac: Dejan Đurović)
14. Donošenje Odluke o raspisivanju javnog konkursa za upražnjena radna mjesta u pravosuđu Brčko distrikta BiH;
(izvjestilac: Dejan Đurović)
15. Nominacija kontakt osobe za prijavu projekata u sistemu upravljanja javnim investicijama (PIMIS) sa ciljem izrade Nacrta prijedloga Programa javnih investicija/Razvojno-investicionog programa institucija Bosne i Hercegovine za period 2024. - 2026. godine;
(izvjestilac: Dejan Đurović)
16. Davanje saglasnosti na Odluku o izmjeni odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH broj 096-0-Su-23-002478 od 05.05.2021. godine;
(izvjestilac: Dejan Đurović)
17. Donošenje odluke o izmjeni Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH broj SuPK-00-423/23-I od 28.02.2023. godine;
(izvjestilac: Dejan Đurović)
18. Donošenje rješenja o imenovanju Ž. T. za povjerenika osuđenom M. M. i rješenja o raspoređivanju osuđenog M. M. na radno mjesto radnik na zbrinjavanju napuštenih životinja;
(izvjestilac: Dejan Đurović)
19. R a z n o

PRISUTNI SU:

1. SAFET PIZOVIĆ, predsjednik Komisije,
2. ILINKA GAVRIĆ, pravobranilac u Pravobranilaštvu BD BiH,
3. DRAGAN TOMAŠ, predsjednik Osnovnog suda BD BiH
4. VELIBOR JAKIĆ, član Komisije iz reda građana,
5. MILIVOJE VASIĆ, član Komisije iz reda građana.

Sjednica počela u 08,43 sati.

Konstatuje se da sjednici prisustvuje pet članova i da su opravdano odsutni članovi Komisije, Damjan Kaurinović, predsjednik Apelacionog suda Brčko distrikta BiH, Zekerija Mujkanović, glavni tužilac Tužilaštva Brčko distrikta BiH, Mirsad Ćeman, potpredsjednik Ustavnog suda BiH i Mehmed Bečić, član Komisije iz reda građana, te da sjednici prisustvuje sekretar Komisije Dejan Đurović.

Predsjednik Komisije otvara 249. redovnu sjednicu Pravosudne s predloženim dnevnim redom, s tim što predlaže da se isti dopuni sa tri nove tačke 19., 20. i 21. koje glase: „19. Nominacija člana i zamjenskog člana za radnu grupu za izradu Strategije za borbu protiv korupcije 2024.-2028. godina, „20. Odluka o izmjeni i dopuni Odluke o broju volontera koji se primaju u pravosudnim institucijama Brčko distrikta BiH u 2023. godini i „21. Donošenje odluke o raspisivanju javnog poziva za prijem volontera.“

Konstatuje se da je dnevni red usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 248. redovne sjednice Pravosudne komisije Brčko distrikta BiH

Nakon razmatranja zapisnika, konstatuje se da je zapisnik sa 248. redovne sjednice Pravosudne komisije usvojen jednoglasno, bez primjedbi.

2. Davanje mišljenja na inicijativu za izmjene i dopune Krivičnog zakona Brčko distrikta BiH

Nakon obrazloženja, Komisija jednoglasno daje mišljenje na predmetnu inicijativu, koje je u skladu sa dostavljenim komentarima Tužilaštva Brčko distrikta BiH i principima koje proizilaze iz relevantnih presuda Evropskog suda za ljudska prava u Strazburu, u smislu da bi normiranje predmetne radnje kao krivičnog djela bez prethodnih intervencija u Zakonu o osnovama sigurnosti saobraćaja na putevima u BiH, dovelo do istovremenog egzistiranja i krivičnog djela i prekršaja sa istovjetnim obilježjima. Ovakva pravna situacija uslovlila bi paralelizme u procesuiranju istovrsne radnje, bilo kao prekršaja, bilo kao krivičnog djela, što bi nužno vodilo u nemogućnost osiguranja jednakosti građana pred zakonom, a time i pravne sigurnosti kao temelj vladavine prava, te bi izvjesno u pojedinačnim postupcima dovodilo i do povrede načela „*ne bis in idem*.“ Konačno, relevantno pitanje je i da li bi se i pored navedenih prepreka, sama radnja upravljanja motornim vozilom prije sticanja prava na upravljanje motornim vozilom, uopšte i mogla propisati kao krivično djelo na predloženi način polazeći od njene društvene opasnosti, jer bi inkriminacijom predmetne radnje na predloženi način ovo krivično djelo po svom obliku predstavljalo djelatnosno a ne posljedično krivično djelo, što znači da bi svako lice koje upravlja vozilom prije sticanja uslova bilo krivično odgovorno bez obzira na to da li je tom prilikom ugrožen javni saobraćaj dovođenjem u opasnost život ljudi ili imovine.

3. Informacija u vezi Instrukcije VSTV BiH o primjeni člana 17. tačka 28. Zakona o VSTV BiH

Nakon obrazloženja, Komisija je jednoglasno primila k znanju navedenu informaciju.

4. Donošenje Odluke o izradi prijedloga Plana integriteta Pravosudne komisije Brčko distrikta BiH

Nakon provedene diskusije, Pravosudna komisija jednoglasno donosi slijedeću

Odluku o izradi Plana integriteta

Član 1.

Ovom odlukom se izražava opredjeljenost Pravosudne komisije Brčko distrikta BiH za izradu Plana integriteta Pravosudne komisije Brčko distrikta BiH, te se formira grupa koja će sačiniti prijedlog plana integriteta.

Član 2.

Za koordinatora radne grupe zadužene za izradu plana integriteta u Pravosudnoj komisiji Brčko distrikta BiH imenuje se Dejan Đurović, sekretar Pravosudne komisije.

Za članove radne grupe zadužene za izradu plana integriteta Pravosudnoj komisiji Brčko distrikta BiH imenuju se

1. Željko Lozić, šef službe finansija pravosuđa Brčko distrikta BiH, član,
2. Ivica Jurić, komandir Sudske policije Brčko distrikta BiH, član,
3. Vedad Osmanović, šef službe za informacione tehnologije,
4. Merima Mujkić, stručni saradnik za pravne poslove i evropske integracije, član.

Član 3.

(1) Radna grupa za izradu plana integriteta dužna je da, u roku od 30 dana od dana imenovanja, dostavi predsjedniku Pravosudne komisije Brčko distrikta BiH program rada za izradu plana integriteta.

(2) Radna grupa za izradu plana integriteta je dužna da sačini plan integriteta i dostavi isti Pravosudnoj komisiji u roku od tri mjeseca od dana donošenja ove odluke.

(3) Mandat koordinatora i članova radne grupe za izradu plana integriteta traje do donošenja odluke o usvajanju i provođenju plana integriteta.

Član 4.

Svi zaposleni u Pravosudnoj komisiji dužni su da pruže radnoj grupi za izradu plana integriteta svu pomoć i informacije potrebne u procesu izrade plana integriteta.

Član 5.

Ova odluka stupa na snagu danom donošenja.

5. Nominacija člana i zamjenskog člana u Radnu grupu koja će raditi na preventivnom suzbijanju društveno neprihvatljivih postupaka definisanim Zaključkom Vlade BD BiH, broj akta: 01.11-0323ST-003/23 od 08.05.2023. godine

Nakon provedene diskusije, Pravosudna komisija u Radnu grupu koja će raditi na preventivnom suzbijanju društveno neprihvatljivih postupaka definisanim Zaključkom Vlade Brčko distrikta BiH, broj akta: 01.11-0323ST-003/23 od 08.05.2023. godine, nominuje za člana Sanju Ević, sudiju Osnovnog suda Brčko distrikta BiH, a za zamjenskog člana Gordanu Radovanović, tužiteljicu Tužilaštva Brčko distrikta BiH.

6. Davanje mišljenja na nacrt Sporazuma o sudjelovanju BiH u Programu EU za razdoblje 2021. - 2027. godina

Nakon provedene diskusije, Pravosudna komisija jednoglasno daje pozitivno mišljenje na nacrt Sporazuma o sudjelovanju BiH u Programu EU za razdoblje 2021.-2027. godina.

7. Usvajanje izvještaja o realizovanoj edukaciji na temu „Odgovornost prema poslu upravljanje vremenom i obavljanje radnih zadataka“ i donošenje odluke o isplati naknade za održanu edukaciju edukatoru

Nakon uvodnog izlaganja, konstatuje se da je Pravosudna komisija jednoglasno usvojila izvještaj o realizovanoj edukaciji na temu „Odgovornost prema poslu upravljanje vremenom i obavljanje radnih zadataka“, te donijela sljedeću

Odluku

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na temu „Odgovornost prema poslu upravljanje vremenom i obavljanje radnih zadataka “ održanom dana 05.07.2023. godine u Brčkom, edukatoru Maji H. Jašaragić Suljanović, isplati iznos od 558,41 KM (petstotinašestdeset i 41/100 KM) i na ime troškova prevoza iznos od 47,70 KM (četrdesetsedam KM i 70/100 KM), što ukupno iznosi 606,11 KM (šeststotinašest KM i 11/100 KM), na tekući račun broj 3383002508681337 broj partije 45465391000 otvoren kod “Unicredit Bank” d.d. Mostar.

8. Donošenje rješenja o prestanku radnog odnosa Mirzi Bašiću, stručnom saradniku u Apelacionom sudu Brčko distrikta BiH

Konstatuje se da Pravosudna komisija jednogladno donosi slijedeće

Rješenje

Mirzi Bašiću, stručnom saradniku u Apelacionom sudu Brčko distrikta BiH, prestaje radni odnos po sili zakona zaključno sa danom 31.07.2023. godine, zbog imenovanja na drugu dužnost.

9. Zaključivanje ugovora o obavljanju pripravničkog staža sa Jelenom Lukić, pripravnikom u Osnovnom sudu Brčko distriktu BiH

Konstatuje se da je Pravosudna komisija jednogladno donijela odluku o zaključenju ugovora o obavljanju pripravničkog staža na određeno vrijeme sa punim radnim vremenom između poslodavca Pravosudne komisije Brčko distrikta BiH i pripravnika Jelene Lukić, iz Brčkog.

Ugovor o obavljanju pripravničkog staža zaključuje se na određeno vrijeme, odnosno do sticanja uslova za polaganje pravosudnog ispita, i traje počev od 26.07.2023. godine pa do 19.10.2024. godine.

10. Donošenje rješenja o raskidu ugovora o volonterskom radu Jelenom Lukić volonterom u Osnovnom sudu Brčko distrikta BiH

Konstatuje se da je Pravosudna komisija jednoglasno donijela slijedeće

Rješenje

Raskida se ugovor o volonterskom radu zaključen između Jelene Lukić, volontera u Osnovnom sudu Brčko distrikta BiH i Pravosudne komisije Brčko distrikta BiH, pod brojem: SuPK-01-1161/22-I od 14.10.2022. godine, zbog imenovanja na drugu dužnost.

Ugovor se raskida zaključno sa danom 25.07.2023. godine.

11. Donošenje rješenja o prestanku ugovora o volonterskom radu sa Amirom Beganović volonterom u Pravobranilaštvu Brčko distrikta BiH

Konstatuje se da je Pravosudna komisija jednoglasno donijela slijedeće

Rješenje

Amiri Beganović, magistru prava, volonteru u Pravobranilaštvu Brčko distrikta BiH, prestaje Ugovor o volonterskom radu na određeno vrijeme s punim radnim vremenom, zaključen sa Pravosudnom komisijom Brčko distrikta BiH, pod brojem: SuPK-01-1089/21 od 29.07.2021. godine, zbog isteka perioda na koji je zaključen.

Ugovor prestaje zaključno sa danom 02.08.2023. godine.

12. Verifikacija rješenja o prestanku ugovora o volonterskom radu sa Jelenom Peranović volonterom u Osnovnom sudu Brčko distrikta BiH

Konstatuje se da je Pravosudna komisija verificovala rješenje o prestanku ugovora o volonterskom radu sa Jelenom Peranović, volonterom u Osnovnom sudu Brčko distrikta BiH, broj: SuPK-01-1104/23-I od 14.07.2023. godine.

13. Verifikacija rješenja o prestanku ugovora o obavljanju pripravničkog staža sa Milenom Ristanić, pripravnikom u Kancelariji za pravnu pomoć Brčko distrikta BiH

Konstatuje se da je Pravosudna komisije verificovala rješenje o prestanku ugovora o volonterskom radu sa Milenom Ristanić, pripravnikom u Kancelariji za pravnu pomoć Brčko distrikta BiH, broj: SuPK-01-1103/23-I od 14.07.2023. godine.

14. Donošenje Odluke o raspisivanju javnog konkursa za upražnjena radna mjesta u pravosuđu Brčko distrikta BiH

Konstatuje se da je Pravosudna komisija donijela jednoglasno donijela odluku o raspisivanju Javnog konkursa za slijedeće pozicije u pravosuđu Brčko distrikta BiH

Javni konkurs za popunjavanja upražnjenih radnih mjesta u pravosuđu Brčko distrikta BiH

1. Advokat u Kancelariji za pravnu pomoć Brčko distrikta BiH (na neodređeno vrijeme)..... 1 (jedan) izvršilac
2. Stručni saradnik u Apelacionom sudu Brčko distrikta BiH (na neodređeno vrijeme)..... 1 (jedan) izvršilac
3. Kurir u Osnovnom sudu Brčko distrikta BiH (na neodređeno vrijeme).....1 (jedan) izvršilac
4. Higijeničar u Pravosudnoj komisiji Brčko distrikta BiH (na neodređeno vrijeme).....1 (jedan) izvršilac.

15. Nominacija kontakt osobe za prijavu projekata u sistemu upravljanja javnim investicijama (PIMIS) sa ciljem izrade Nacrta prijedloga Programa javnih investicija/Razvojno-investicionog programa institucija Bosne i Hercegovine za period 2024. - 2026. godine

Konstatuje se da Pravosudna komisija jednoglasno nominuje Željku Lozića, šefa službe finansija u pravosuđu Brčko distrikta BiH, kao kontakt osobu za prijavu projekata u sistemu upravljanja javnim finansijama PIMIS s ciljem izrade Nacrta prijedloga Programa javnih investicija/Razvojno investicionog programa institucija Bosne i Hercegovine za perido 2024.-2026. godine.

16. Davanje saglasnosti na Odluku o izmjeni odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH broj 096-0-Su-23-002478 od 05.05.2021. godine

Konstatuje se da je Pravosudna komisija jednoglasno dala saglasnost na Odluku o izmjeni odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH, broj: 096-0-Su-23-002478 od 05.05.2021. godine.

17. Donošenje odluke o izmjeni Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH broj SuPK-00-423/23-I od 28.02.2023. godine

Konstatuje se da se ova tačka skida s dnevnog reda.

18. Donošenje rješenja o imenovanju Ž. T. za povjerenika osuđenom M. M. i rješenja o raspoređivanju osuđenog M. M. na radno mjesto radnik na zbrinjavanju napuštenih životinja

Nakon izlaganja Pravosudna komisija donosi sljedeće

Rješenje

Ž. T. imenuje se za povjerenika osuđenom M. M. i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Nakon toga Komisija donosi sljedeće

Rješenje

Raspoređuje se osuđeno lice M. M. na radno mjesto „Radnik na zbrinjavanju napuštenih životinja“ u Javnom preduzeću „Komunalno Brčko“ d.o.o. Brčko distrikt BiH.

19. Nominacija člana i zamjenskog člana za radnu grupu za izradu Strategije za borbu protiv korupcije 2024.-2028. godine

Konstatuje se da Pravosudna komisija u Radnu grupu za izradu Strategije za borbu protiv korupcije 2024.-2028. godine jednoglasno nominuje Merimu Mujkić, stručnog saradnika za pravne poslove i evropske integracije, za člana i Radeta Mitrovića, stručnog saradnika za poslove upravljanja privremeno oduzetom imovinom u Pravosudnoj komisiji Brčko distrikta BiH, za zamjenskog člana radne grupe.

20. Odluka o izmjeni i dopuni Odluke o broju volontera koji se primaju u pravosudnim institucijama Brčko distrikta BiH u 2023. godini

Konstatuje se da Pravosudna komisija jednoglasno donosi slijedeću

Odluku
o izmjeni i dopuni Odluke o broju volontera koji se primaju u pravosudne institucije Brčko
distrikta BiH u 2023. godini,
broj: SuPK-01-271/23-II od 28.02.2022. godine

Član 1.

U Odluci o broju volntera koji se primaju u pravosudne institucije Brčko distrikta BiH u 2023. godini, broj: SuPK-01-271/23-II od 28.02.2023. godine, u članu 1., umjesto što stoji: „izvršiti prijem 7 (sedam) diplomiranih pravnika u svojstvu volontera“, treba da stoji: „izvršiti prijem 8 (osam) diplomiranih pravnika u svojstvu volontera.“

Član 2.

U članu 2. dodaje se nova tačka 3., koja glasi:
3. Tužilaštvo Brčko distrikta BiH – 1 (jedan) volonter.

Član 3.

Ova Odluka stupa na snagu danom donošenja i čini sastavni dio Odluke broj: SuPK-01-271/22-II od 28.02.2023. godine.

21. Donošenje odluke o raspisivanju javnog poziva za prijem volontera

Konstatuje se da je Pravosudna komisija jednoglasno donijela odluku o raspisivanju javnog poziva, na način kako slijedi:

Javni poziv
za prijem volontera u pravosudne institucije Brčko distrikta BiH

1. Tužilaštvo Brčko distrikta BiH.....1 (jedan) volonter

Javni poziv se raspisuje za prijem 1 (jednog) diplomiranog pravnika u svojstvu volontera u Tužilaštvo Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

22. R a z n o

Pod tačkom razno razmatrana je informacija o izradi prijedloga Zakona o izmjenama i dopunama Zakona o notarima Brčko distrikta BiH.

Konstatuje se da je sjednica završena u 9:18 sati.

**Zapisnik vodila
Merima Mujkić**

**Predsjednik
Pravosudne komisije**

Safet Pizović